

**UGOVOR
O PRUŽANJU ADVOKATSKIH USLUGA**

UGOVORNE STRANE:

1. **KJKP“ TRŽNICE-PIJACE“ d.o.o Sarajevo, ulica M.M. Bašeskije 4a, Sarajevo, ID: 4200683020005, PDV broj: 200683020005, koga zastupa v.d. direktor Bojan Miškić (u daljem tekstu: Naručilac)**

i

2. **Advokat Armin Hadžić , ul. Kralja Tvrtka br. 6, Sarajevo, ID: 4303352010003 (u daljem tekstu: Izvršilac)**

Član 1.

Ugovor se zaključuje na osnovu prethodno provedenog postupka javne nabavke o dodjeli ugovora o uslugama iz Aneksa II. dio B. Odluke o izboru najpovoljnijeg ponuđača broj 24-8/20 od 25.12.2020.godine.

Ugovorne strane su saglasne da Naručilac usluga u okviru svog poslovanja treba osigurati kvalitetnu i stručnu pravnu pomoć radi što adekvatnijeg osiguranja zakonitog ostvarivanja svoje poslovne djelatnosti. U tu svrhu sklapa se ovaj ugovor o pružanju advokatskih usluga.

Član 2.

Predmet ovog ugovora je :

- a) sačinjavanje ugovora o zakupu zemljišta na PJ“Stup“ sa svim neophodnim odredbama zakupa zemljišta i prema instrukcijama zakupodavca;
- b) pregovaranje sa predstavnicima zakupoprimca u pogledu usaglašavanja finalnog teksta ugovora (pismena prepiska, komuniciranje telefonom, odlasci na sastanke u Sarajevu i sl.);
- c) podnošenje pismenog zahtjeva za izdavanje urbanističke saglasnosti uz prilaganje sve neophodne dokumentacije;
- d) komuniciranje sa nadležnom općinom za izdavanje urbanističke saglasnosti (pismena prepiska, komuniciranje telefonom, odlasci na sastanke u Sarajevu i sl.).

Član 3.

Naručilelj se obavezuje da će:

- Dostaviti svu potrebnu dokumentaciju u najkraćem roku;
- Po zahtjevu Izvršioca dostaviti i drugu dokumentaciju potrebnu za vođenje postupka i preuzimanje pravnih radnji;
- Izvršioca obavještavati o eventualnim radnjama koje je sam preuzimao u interesu okončanja posla i radi neophodne međusobne razmjene informacija.

Član 4.

Izvršilac se obavezuje da će sve poslove iz čl. 2. ovog Ugovora obavljati na vrijeme, savjesno i odgovorno, poštujući pravila svoje profesije i respektujući postojeći pravni poredak, te u okviru advokatskog zadatka i etike zalagati se maksimalno za interese Naručioca usluga.

Član 5.

Ukupna cijena usluge pružanja advokatskih usluga , utvrđena je u Ponudi Izvršioca br: 17/tp od 18.12.2020.godine-Obrazac za cijenu ponude i iznosi 1300,00 bez PDV-a (slovima:jednahiljadatristotine 00/100)

Plaćanje se vrši na osnovu izvršenih usluga i ispostavljenih mjesečnih faktura od strane Izvršioca, uplatom na žiro račun broj 1401011120095214, kod Sberbank BH d.d. Sarajevo, i to u roku od 30 dana od datuma ispostavljanja fakture.

Član 6.

Naručilac snosi stvarne troškove nastale tokom naručenog posla, određenog ovim Ugovorom.

Stvarni troškovi su: takse, ovjere pred nadležnim sudom, organima, organizacijama i institucijama i sl., angažiranje stručnih osoba za čijim radom se može ukazati potreba, a o čemu će odluku ugovorne strane donijeti zajednički.

Član 7.

Ugovor se zaključuje na određeno vrijeme u trajanju od 1 /jedne/godine, ili do ispunjenja obaveza, računajući od dana zaključenja Ugovora.

Član 8.

U slučaju raskida ovog ugovora kao i u slučajevima okončanja predmetnog spora, Izvršilac je dužan da Naručiocu preda svu dokumentaciju vezanu za Naručioca.

Član 10.

Sva pitanja koja su regulisana ovim ugovorom predstavljaju povjerljive informacije i tiču se samo ugovornih strana. Ugovorne strane se obavezuju da informacije koje su predmet ovog ugovora neće davati trećim licima.

Član 11.

Ugovorne strane su saglasne da će svaki eventualni spor pokušati riješiti mirnim putem, a ukoliko to nije moguće, u slučaju spora nadležan je sud u Sarajevu.

Član 12.

Ugovor je sačinjen u 4 /četiri/ istovjetna primjerka od kojih svaka ugovorena strana zadržava po 2 /dva/ primjerka. Ugovor stupa na snagu danom potpisivanja.

ADVOKAT
HADŽIĆ ARMIN
SARAJEVO, KRALJA TVRTKA 6

ZA IZVRŠIOCA

Advokat, Armin Hadžić

Sarajevo, 29.12.2020.godine
Broj: 24-9/20

ZA NARUČITELJA
KJKP "Tržnice pijace" d.o.o. Sarajevo

v.d. Direktor, Bojan Miškić